

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
KANTONALNO TUŽILAŠTVO  
ZENIČKO – DOBOJSKOG KANTONA**

**Broj: T04 0 KT 0057747 24  
Zenica, 25.02.2025. godine**

**OPĆINSKI SUD ZENICA  
ZENICA**

Na osnovu člana 45. stav 1. i 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem,

**O P T U Ź N I C U**

**Protiv:**

**Č. Z.**, neosuđivan,

**Što je:**

Dana 17.03.2024. godine oko 19,45 sati, u Z., u ulici I., nakon verbalne prepirke sa komšijom Č. S. u vezi sa parkiranjem vozila na toj adresi, pomenutog komšiju grubo vrijeđao riječima „j\*\*\* ti majku i dijete, majmune jedan, je li treba da te ubijem da više tu ne parkiraš“, na što mu je Č. rekao da će pomjeriti vozilo samo dok otvori garažna vrata, nakon čega je i dalje nastavio sa grubim vrijeđanjem, te je Č. pozvao policiju na lice mjesta, da bi i u prisustvu policije nastavio na isti način govoreći Č. S. „majmune jedan, j\*\*\* ću ti mater za ovo, neće se na ovome završiti, samo dok patrola ode, ja i ti ćemo riješiti na drugi način pa ćeš vidjeti sa kim si se upustio u problem“, te dok su mu policijski službenici upućivali upozorenje da se tako ne ponaša, zatrčao se između policijskih službenika prema Č. S. i tom prilikom mu zatvorenim pesnicama zadao više udaraca u predjelu glave i trupa, svjestan da na taj način grubim vrijeđanjem i nasiljem, te naročito drskim i bezobzirnim ponašanjem prema Č. S. ugrožava njegov građanski mir, što je i htio, sve dok nije savladan i lišen slobode od strane policijskih službenika, usljed čega je S. zadobio lake tjelesne povrede u vidu nagnječenja donje vilice sa lijeve strane i nagnječenja lijeve slabine,

**Dakle**, grubim vrijeđanjem i nasiljem, te naročito drskim i bezobzirnim ponašanjem, ugrozio građanski mir, kojom prilikom je jedna osoba lako tjelesno ozljeđena,

**Čime je** osumnjičeni počinio krivično djelo „Nasilničko ponašanje“ iz člana 362. stav 2. u vezi stava 1. KZ F BiH.